

近代中國史料叢刊第四十輯
沈雲龍主編

荻芬書屋文詩稿

董恂著

文海出版社印行

菽
豕
書
屋

文
豪



Wt 200 / 19

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



荻芬書屋文稿

甘泉董恂醞卿甫著

總目

策問

序

議

論

辯

記

說

荻芬書屋文稿 總目

跋

書後

祭文

啟

箴

銘

教

贊

連珠

雜說

總目

男蓮校刊

--	--	--	--	--	--	--	--	--	--

荻芬書屋文彙

同治戊辰科會試策問

問自書契作而經籍於以權輿三墳言大道五典言常道所紀何代有可徵信否八索九邱其名義若何易爲羲文姬孔之精後來有子夏易有丁寬易有孟喜易作易傳者自漢以來計若干家能詳述其源流鑒別其真僞否虞夏商周之書古文今文其同異安在堯典多紀唐事何以列於虞書禹貢成於舜時何以列於夏書能言其故否尼山庭訓詩禮爲宗說詩者代有其人魯詩齊詩而外有韓詩有毛詩數者孰優大戴禮小戴禮篇目何若有與大戴

小戴並列者爲誰能實指其人否大學中庸本載禮記何以別爲章句能推闡其義否春秋一書立萬世臣子大防而左氏公羊穀梁三傳往往互有得失論者優劣之亦未必盡得其平能一一指陳否

聖朝稽古右文經訓大備儒者通經所以致用其悉據所素蓄以對

問春秋編年本魯史也自刪定後已列爲經矣二十一史當以何者爲稱首司馬遷著史記易編年而紀傳歷代以來孰沿其例孰變其例能詳言之否班固薄司馬遷而漢書實憲章遷能指其端

否論班書者或詆爲專事剽竊或稱其音節超詣如英莖咸韶所見孰是范氏撰後漢書自謂體大思精論者稱其類次整齊用律精深然歟否歟三國志敘事高簡有法顧或譏其大綱顛倒其可議者安在晉宋齊梁陳隋諸書撰者何人後魏書北齊書周書孰優南北史新舊唐書新舊五代史得失奚若宋遼金元以上諸史有可頡頏馬班者否資治通鑑編年之法祖述春秋議者惜其義例有未精能條舉其事否通鑑綱目視資治通鑑何如多士探討舊聞將以備

朝廷著作之選凡所講明切究其悉陳之

問以人立政道在興賢周官大司徒以鄉三物教萬民而賓興之鄉大夫三年大比考其德行道藝而興賢者能者下至州長黨正族師閭胥莫不各有造就人才之責其節目能詳言之否漢制以賢良方正得人爲最其舉於郡國察於二千石猶是鄉舉里選遺法魏晉九品官人古意寢失論其弊者曰三難曰八損能臚舉否隋制諸州歲貢三人工商不得入仕其道何如秀才字始見何書舉人定名昉自何時明經進士何科最盛唐宋以來制科宜遵何代何以息奔競何以免冒濫何以舉士不必襲三代之名而士無往非三代之行能一一推陳否方今

聖天子雅化作人官方澄敘吏治儒風蒸蒸日上學者講求有素其各以所得著於篇

問官廩兵糈皆於漕乎是賴河運海運二策孰優轉運變而爲兌運兌運變而爲長運能詳其沿革否江北運程自南而北瓜儀運河來源何所取資高寶運河淮安運河歷代經理何若中河阜河泃河新河能悉數其源流否五大水櫃今昔情形若何濟水伏流出而爲泉者以百數其有裨於運道者能分別其支派否會通一河於漕艘良便南旺分流柳林牖十里牖操縱由人運河命脈全在於此其建策者爲誰堤城有垣戴邨有垣其制何如汶洸泗沂

而外由臨清而北惟衡水爲大或議引漳入衛或議引沁入衛孰得孰失天津爲衆水匯歸之區能一一舉其名否由津抵通所藉資者何水通惠河勢由西而東若建瓴五牖節水規制誠善然不免於遞相轉輸海運之米抵通以後亦必由此運倉能設策以免狼戾否

天庾正供所關至鉅多士留心時務其質言毋隱

問辟以止辟刑期無刑明刑所以彌教也有虞何以合兵刑爲一官成周何以分兵刑爲二職秋官自大司寇至司隸有所謂三典三刺五刑五聲五禁五戒五隸八辟八成者其詳言之漢高祖入

關約法三章唐高祖入關約法十二條其目若何宋元豐中分勅令格式爲四其說安在舜典金作贖刑或以爲非聖人法漢文帝詔除肉刑或以爲令民輕犯法何歟易言赦過宥罪書言眚災肆赦周官言司刺掌三宥三赦不忍人之政也諸葛亮不輕議赦其故安在夫刑以教中故曰斷中曰受中曰登中皆權其輕重以取中也今欲毋枉毋縱一秉大中操何術而可我

國家慎憲省成勤恤民隱固將以協咸中之慶而推法外之仁也其斟酌古今之宜揚推陳之

光緒丙子 恩科會試策問

問經訓爲常而詁經不能無異經不以文重而後世之文實祖之
易之十翼書之七觀詩之六義春秋之四繫五始禮之三支四名
此其最著者矣能詳之否六宗九江其說凡幾輪平淪平其義孰
優莫陸綠竹定爲幾物伐檀有鶉四月亦有鶉駟有駢閔宮亦有
駢七月有茶出其東門亦有茶將仲子有杞四月亦有杞其異同
若何檀弓筆力視左國何若古無騎戰曲禮言前有車騎或謂其
書當出周末然否後世不敢擬經亦何敢不尊經試觀論說辭序
孰統其首詔策章奏孰發其源賦頌嘏讚孰立其本紀傳移檄孰
爲其根銘誄箴祝孰總其端能歷溯之否

聖朝經學昌明多士講求有素其詳述所聞毋隱

問古今事要史傳之史之傳讀史者又各以所聞見札記而羽翼之史記有集解有索隱有正義或別行或散附今本史記中能舉作者姓氏否班氏漢書多因史記之舊而時竄改其篇章字句爰有班馬異同一書撰者何人范氏後漢書中志與年表補之者誰復有兩漢刊誤補遺一書撰者何人陳壽三國志尊魏抑蜀宋蕭常作書正之元郝經復作書正之其書何名晉書傳論有出唐太宗御撰者何篇李延壽南史綜宋齊梁陳之事北史綜魏齊周隋之事其後作南北史合注者何人新唐書有糾謬新五代史本名

五代史記有五代史記纂誤其書撰自何人各若干卷史記之缺孰補之漢書之成熟續之後漢書三國志孰注之

國家右文稽古網羅放佚績學之士將以備三長之選其摭所素懷以對

問歷代官制不同名稱亦異唐之同平章事宋之參知政事當漢之何官秦之典客漢之鴻臚當周之何官晉以後之侍中視秦漢之侍中何若唐以後之僕射視秦漢之僕射何若唐平章之與參政宋平章之與參知其位次何若唐之御史大夫與漢之御史大夫異唐宋之門下侍郎與漢之侍郎異能詳其制否兩漢之民曹

與後周之民部魏晉之左右民尙書與隋唐之民部尙書能考其異否秦漢以來之御史與周之御史北齊以來之光祿寺與漢之光祿勳其同異若何周之宗伯漢之宗伯東漢之三司唐之三司三代之九卿漢之九卿其不同者安在唐列中書令於三省與漢之中書令不同宋列樞密使於兩府與唐之樞密使不同其不同者又安在

盛世酌古準今官方澄敘考古之儒盍以其所得於史志者著於篇

問官人之法鄉舉里選尙已漢高帝十一年詔下郡守其有意稱

明德者必身勸爲之駕說者
者爲詔舉賢良之始若者爲
車徵士之始若者爲郡舉者
爲責郡不舉孝廉之始若者
獨行之始若者爲詔舉茂士
之盛起自李唐而當時有
於辟舉者有出於延譽者
舉或以言揚選舉科目迭
朝闢門籲俊遠邁漢唐儒

問天地之藏當爲天地寶之古者以三十年之通制國用其經畫
可得聞歟周官九賦斂財賄卽繼以九式均節財用說者謂隱寓
量入爲出意然否顧理財屬太宰而不屬司徒卽王制言制國用
亦稱冢宰何歟漢武帝時太倉之粟紅腐而不可食都內之錢貫
朽而不可校隋開皇間有司上言庫藏皆滿更開左藏院構屋受
之果何策而致此唐貞觀間馬周疏論隋洛口倉及東都布帛西
京府庫得失甚詳能舉其說歟宋封樁庫置自何年其置此庫何
意蘇軾有言廣取以給用不如節用以廉取之論古者以爲片言
居要然否

聖天子敦崇節儉勤求民莫士以經世爲心藏富於民之道宜習知矣其質言之

菽芬書屋文彙

議漕摺鈔序

嗚呼漕事至曠也漕弊至焚也治漕之人至夥也議漕者欲殺其辭烏得而殺其辭恂自庚子歲觀政滇司索署中舊牘朝夕考究司屬所掌以銅漕爲最劇而漕之劇且什伯於銅王寅佐司事考究益切丙午主司事掌章奏日與同事諸君子相切磋顧質魯不能強記其所考究公牘又不便留私家乃於戊申己酉間發憤凡議漕諸奏手錄其全釐爲十卷而漕議畧備焉或疑漕之始事地方大吏職之漕之終事倉場督臣職之綜漕事之始終漕運督臣

職之部受其成而已烏用是屑屑者爲嗚呼一孔之漏可以沈舟
一輞之敗可以覆車蓋一節病而全體皆病不獨漕政爲然而漕
其尤著者也雖日講求猶懼弗治况輟焉弗講哉年遠牘不具所
錄斷自嘉慶初迄道光丙午夏四月自時厥後躬蒞其事中外議
漕諸奏別錄焉

漕運議輯序

居冀州之壤仰食青兗豫徐揚荆非計之拙也勢使然也
京師地大人衆取給於漕者餉爲最俸次之諸領項又次之嘗考
材官技擊廝養羨卒名載餉冊者十七萬人人之家以五口八口

爲率就家五口計之食餉者八十有五萬若家八口則食餉者百有三十有六萬此外官之食俸者士之食廩者匠役之食糧者鰥寡孤獨之民之食賑者守

陵之員之食截撥

陵糈者麋集內外城之朝者貢者吏者賈者藝者游者謁選者士著者凡夫糴食兵食之羨者不可以悉數近畿所產其弗克給也審矣不漕之恃奚恃哉

國家理漕用長運策蓋善之善者是編所輯多論長運其議支運遞運轉運暨有關漕運者咸附見焉下至分步置人負囊加耦詭

乎漕之正或可通漕之窮亦存而不削誠以此數十百萬人食不可一日缺卽漕不可一日緩漕固如此其重也漕重如此猶有請折漕者

海運議輯序

歲丁未十有一月大司農諭司鑰熙君挹雲暨恂等籌議海運上封事恂維問途必於已經元明蹟雖可考年遠恐不甚切事情我朝定鼎以來海運久罷不行道光甲申河決漕滯明年

天子以借黃濟運非策始詔廷臣議之其時英煦齋相國琦靜庵制帥陶雲汀中丞中外協心百執事亦奔走效職未及暮而海運

歲事中丞輯其前後公牘勒爲成書恂充漕運
列之繕呈

御覽其中上洋受兌沿海會哨津淀督收倉項
而行之奚不可者雖然我

朝之行海運自道光丙戌始我

朝之論海運則不自道光丙戌始是宜廣搜葺
馬服君子多讀書卒爲賁軍之將書多曷濟然
羹誤襲古方方豈任咎書不可泥書顧可不諳
識其緣起如此

盤放案輯序

竊聞之膏腴所萃播爲羶腥羶腥所叢鬱爲耗蠹壯哉雀鼠伊古
爲昭矣都中倉廩歲有納月有出萬不至如各直省州縣常平徒
爲積貯名然舊糧未竣新糧復進部典其籍稽其數部不能必倉
之數卽籍之數將丈量之穀其外難保不餽其中將斛量之鍵於
畫難保不脛於夜繇斯以談得毋籌積貯則病粟少議盤查則病
粟多乎嘉慶己巳通倉高添鳳案出御史慶明以在京十一倉爲
數較繁爰建以放代盤之議道光壬午癸卯庚戌皆踵行之不勞
民不傷財俾領米之人皆查糞之人而新無可邪卽舊無從掩誠

善策也顧總司倉務者畏其難往往與部議相齟齬不以爲厥座不敷收受卽以爲舟車難以輪轉愚以爲盤放之法間數歲十數歲一行之無惑乎以爲難也且間數歲十數歲始一行之安知甫盤之後不以再盤之期尙遠而有倖心也若增建三倉歲行其法每放三倉舊糧一粒未完新糧一粒不進其不進糧者僅現放之三倉其全進糧者猶是常年之十一倉則書攢花戶人等終其身以在放代盤之中絕無可倖而總司倉務者亦無辭矣成規具在並近案錄之而爲之序

採買案輯序

臣恂曰採買之說尙已竊以爲行之常平倉便行之京倉不便必
行之京倉則水運便陸運不便普熟便偏收不便粳米便稜粟米
不便常平散隸於通省州縣歉則平糶豐則買補價不別籌糶不
出境斛口價值耳日切近吏不能欺各籌各倉穀少路近費輕得
良有司經營之裕如矣京通十七倉不然採買少則無濟多則路
必遠遠則費必重市斛實當漕斛若干市平實當庫平若干遠邇
參差盈朒倍蓰見聞稍隘浮冒必多此糶之難糧艘搭運多糜運
費商舶海運恐齎盜糧撥船水手通壩經紀合則狼狽離則水火
更相剝蝕靡所底止此運之難買在牧令運在委員收在倉場事

權不一畛域易分獨力仔肩諸凡掣肘此始終其事之難採買行之京倉不能如行之常平倉之便其大較也雖然額漕不足或不得已出此當何如日是宜於普律豐收之年擇附近水次之地行之檢查運腳報銷嘉慶十年碾運川米案內則陸運每石每里一釐五毫及二釐二毫至三釐不等水運九絲至一毫六絲不等道光五年採買奉米案內則陸運一釐二毫水運一毫四絲及一毫五絲不等碾運豫米案內則陸運一釐四毫水運一毫大約陸運之費較之水運總在十倍上下故採買非附近水次不可連圻接壤豐歉相參有無懋遷勢難平減若新穀登場災區糴之京倉再

糴之是速之昂而誨之過也至如普天大有一律豐饒固積既多
疏銷無路斯時備價採買可免穀賤傷農此陸運不如水運行之
偏收之年不如行之普熟之年之彰明較著者也八旗兵丁糶售
餘米大畧稔粟二色爲多今以粟米一色論之兵丁每石不過糶
銀數錢官發折色每石例定銀一兩二錢道光五年採買奉米每
石價腳合銀至二兩四錢有奇是折給之價倍於出糶採買之價
又倍於折給試問兵願領此每石糶銀數錢之本色乎抑願領此
每石實發銀一兩二錢之折色乎其必願領一兩二錢之折色明
矣官以折放每石銀一兩二錢爲得計乎抑以實放採買每石合

銀二兩四錢之米爲得計乎其必以折放銀一兩二錢爲得計又明矣稜米例價較粟米增銀一錢雖比粟米質地稍勝究不及稜米耐久故稜粟二色漕有餘宜放本色漕不足則兼放折色旣爲兵丁所願且較採買所省實多種米質堅性耐久貯爲倉儲最不可少雖採買價值亦必浮於例定折色一兩四錢之數然兵皆恃此爲食間糶餘米得銀尙可與例價相埒官雖有虧兵則無損是以積貯以稜米爲要採買亦當以稜米爲先固非稜粟所可同日語耳至碾運一策先以常平接濟京倉仍當採買以補碾動之闕實亦採買而已然則京倉若之何實之曰額漕歲入幾四百萬歲